



12. august 2016

UKA 2016/138

Inatsisartut suleriaasianni § 33 naapertorlugu Inatsisartut aalajangiiffigisassaattut siunnersuut imaattoq matumuuna saqqummiuppara:

Utoqqarnut sammititanik siunissami pisortat sanaartortarnissaannut aaqqiissutissamik innersuussisumik Naalackersuisut kingusinnerpaamik UKA 2017-imi nassuiaammik saqqummiussinissaannik peqquneqarnissaannik Inatsisartuni aalajangiiffigisassatut siunnersuut.

(Inatsisartunut ilaasortaq Ane Hansen, Inuit Ataqatigiit)

Tunngavilersuut:

Atugarissaarnissamik isumalioqatigiissitaq Nunattalu Naatsorsueqqissaartarfiata nalunaarutaasa tamarmik ukiuni aggersuni utoqqaat amerliartuinnarnissaat aarlerinartoq oqaatigaat.

Ukiuni 1960-ikkunni 1970-ikkunnilu ilaqutariit meeraqqortuut amerlapput, tamatumalu nassatarisaanik taakkununga sammititanik sinerik tamakkerlugu inissianik sanaartortoqarpoq. Taamaammallu maanna inissianik utoqqaat pisariaqartitaannut naapertuuttunik sanaartortariaqalerpugut.

Ukiuni kingulliunerusuni Inatsisartut ilinniartunut kollegianik sanaartukkanik aallartitsipput, suliniummilu tassani ajornartorsiutip aaqinneqarnissaanik siunniussaq anguneqarpoq.

Utoqqaallu amerliartorneranut atatillugu, pisortat utoqqarnut sammititanik sanaartornissamut pilersaaruserlutik aallartinnissaannut piffissanngorpoq. Tamatta ataatsimoorluta utoqqaat sapinngisamik sivisunerpaamik nammineq inigisamiiginnarnissaannik anguniagaqarpugut. Taamaammallu Naalackersuisut kingusinnerpaamik UKA 2017-imi utoqqarnut sammititanik pisortat inissialiornissaannut pilersaarummik saqqummiussinissamik peqquneqarnissaannik siunnersuuteqarpunga.

Siunnersuutip Aningaasatigut allaffissornikkullu pisortanut kinguneqaatissai:

AC fuldmægtigip ukiumi ataatsimi akissarsiaanik 500.000 kr-it missaannik annertussuseqartumik aningaasaliisoqarnissaa naatsorsuutigineqarpoq

Namminersorlutik inuussutissarsiortunut aningaasatigut allaffissornikkullu kinguneqaatissai:

Soqanngilaq

Inunnut ataasiakkaanut aningaasatigut allaffissornikkullu kinguneqaatissai:

Soqanngilaq